

欽定剿平三省邪匪方略

欽定剿平三省邪匪方畧正編卷二百

庚申年

八月二十五日

乙亥

額勒登保奏言查甘省竄匪

自伍金柱殲斃後其餘黨亦節經剿殺所剩不及二千人奔竄五馬河雙河子等處距陽平關不遠現在阿哈保穆克登布躡剿并有定住廣厚等帶兵截擊定可尅期辦竣其張添倫顏勝可辛聰魏棒棒宋麻子及楊逆餘黨合夥逃竄

先經慶成帶兵追剿嗣又派格布舍帶領馬隊
及楊遇春豐紳等率兵分路進擊

臣

與長麟在

成徽一帶策應旋據慶成呈報張添倫等股賊
匪捨命狂奔我兵日行至一百四五十里不等
初十日已刻至教場壩地方該匪等正在東奔
步兵鄉勇尙未趕到慶成卽與侍衛多隆武捫
欽保富提音等帶領馬隊先行奮擊該匪等尙

敢分股衝撲我軍鎗箭齊施立斃賊三十餘名
賊遂敗竄上山官兵乘勢趕擊又斃一百餘賊
且有戴翎頂之賊往來吶喊被甲兵布特納射
死賊益慌亂兵勇等趕到追殺十餘里斃賊九
十餘名生擒五十九名內有襄陽賊目潘世文
一名業已傷重不能取供其餘亦係真正賊匪
並卽正法晚間探得賊匪已分股由秦州之高

橋駱駝巷奔竄聞格布舍所領之馬隊已近高
橋等處又據楊過春報稱十二日五更帶兵行
至四合頭太陽寺一帶探得賊匪已過太陽寺
并稱慶成格布舍之兵已至利橋迎頭攔截楊
過春帶兵馳進傍晚追及賊匪殺賊四十餘名
餘匪竄入老林仍卽設法搜剿臣查該處一帶
漸近太渠唐藏地方恒瑞所領防堵之兵已撤

往南鄭西鄉剿賊必得趕緊剿殺方可不致京

竄

臣

亦卽帶同扎克塔爾督兵由徽縣趕赴杏

樹灣等處攔剿途間又接據楊遇春呈報該提

督探賊前進於十五日由二郎壩趕至線溝徐

揚河行程已遠鍋帳等均未趕到祇可露處此

一帶兩面俱係老林沿途探得賊匪尙在左近

楊遇春傳令將領等均各嚴備賊於三更後竟

敢前來偷撲營卡因時有月色我兵見賊放鎗
賊匪仍卽退却四更後又來偷撲四川官兵營
卡兵丁王印貴何剛寬畏憚越卡奔散經遊擊
張超趕上用刀砍斃各兵方得站住張超仍嚴
飭弁兵疊放鎗箭賊始奔逃次早檢查營卡外
賊被鎗箭死者共有四十餘人十六日楊遇春
又偵探賊蹤督兵向潘家灣進追於午間趕上

賊尾楊遇春與豐紳率領已到之馬步官兵左
右擊殺斃賊一百餘名各賊鑽溝越嶺分竄獲
賊三十四名內有宜城探馬頭郭以祥一名據
供張添倫辛聰魏榛棒顏勝可宋麻子等均因
官兵追殺緊急在此一帶盤旋商量欲入南山
暫行躲避又聞處處有兵總在老林翻越今日
到潘家灣山勢稍寬各股正在聚會適經官兵

衝擊不能必其竄向何處楊遇春當將該犯繼

割餘俱正法

臣

一面飭知楊遇春慶成等盡力

攔截

臣

於十七日趕至楊家店途次據慶成報

到十六日在唐藏地方與格布舍帶領馬步官

兵追賊申刻到麻地溝口探有賊匪一二千人

在溝內潛匿霧氣迷漫瞭望不能遠見但聞人

聲嘈雜慶成與格布舍當卽分兵四面下壓賊

匪立形慌亂我兵奮力衝突將賊匪截爲數段
擊斃三百餘名餘匪翻山逃竄所棄器械驟馬
亦多時已昏黑只得在兩山割營擒賊二十二
名內有郭有斗一名係賊中頭目據稱本日我
與宋麻子在草房聞有官兵卽出同竄眼見宋
麻子已被官兵亂矛戳倒我逃至半坡經官兵
矛戳傷腿被擒並供出宋麻子年貌服色慶成

當卽令弁兵找尋將首級割來先令所獲另賊
二十餘人指認無不認爲宋元帥又令郭有斗
認識的確無疑因次日卽行起營追賊郭有斗
已經傷重其餘亦不便攜帶當俱砍死查此股
賊匪張添倫辛聰顏勝可魏棒棒宋麻子及楊
逆等餘黨共有著名首逆五人在內今將宋麻
子戮斃殺賊亦多慶成松布舍較爲出力但其

餘各匪尙在奔逃仍未痛剿當卽專人飭知慶
成等再行奮力剿洗並查楊開甲餘匪三四百
人有向黑河一帶奔竄之信

臣

於所帶兵內抽

撥兵勇八百餘名令總兵楊奎猷從黑河緊追
并札飭總兵汪啟攔剿其餘張添倫辛聰等各
股因被我兵節次剿潰或二三百人或七八百
人在鳳縣境內抄掠道邊零星散竄有楊遇春慶

成格布舍豐紳等在彼四路兜截不日當可剿
淨亦可不致深入棧東其四合頭利橋一帶恐
有逃散餘匪遁入山林藏匿并派觀祥帶兵在
彼一路搜緝淨盡辦竣後仍歸長麟一路而

臣

在楊家店地方尙爲扼要暫駐防賊折竄並爲

各路聲援再查長麟本與

臣

在一處

臣

昨由撮

縣前來已囑其帶兵前至虞關預扼伍金柱餘

匪竄路并爲阿哈保穆克登布定住廣厚等策
應伍金柱餘匪已屬有限若卽日殲除長麟自
應將甘境各事宜畧加布置再行前赴沔縣一
帶籌備防堵至西鄉一帶雖恒瑞等已經前往

臣

尙不放心數日內看楊遇春慶成等剿辦張

添倫等逆情形若何卽行酌量趕往庶免顧此

失彼再

臣

遵查愛星阿前曾任護軍統領現係

二等侍衛今出有河屯協副將一缺核其官階
以二等侍衛陞任副將似覺過優但該員屢次
打仗殺賊爭先出衆以之陞任此缺不惟目下
帶兵得濟卽回至本任於整飭地方營伍亦能
得力洵屬人地相宜其餘副將以下各缺臣於
滿漢各員內實在出力者擇其堪以委任之員
以次擬請陞補奏入

上命軍機大臣傳諭額勒登保曰張添倫顏勝司辛
聰魏棒棒宋麻子及楊逆餘黨經官兵屢次截擊
皆有斬獲賊匪等因被剿緊急仍欲竄入南山暫
行躲避殊爲可恨而額勒登保分派楊遇春慶成
格布舍盡力攔截不令東竄並將著名首逆宋麻
子殲斃實屬調度得宜額勒登保著賞給白玉喜
字搬指鑲寶石帶頭大小荷包以示獎勵慶成格

布舍探知賊匪有一二千人在溝內潛匿乘霧下
壓殲賊三百餘名首逆宋麻子當被官兵亂矛戳
斃均爲奮勇可嘉慶成現係四品翎頂著加恩賞
給三品翎頂格布舍前已兩次交部議敘俟再有
出力之處另加恩獎慶成格布舍俱著賞給鑲綠
玻璃帶頭大小荷包遊擊張超於賊匪偷撲營卡
時見兵丁王邱貴何剛畏惠奔散該遊擊卽趕上

用刀砍斃各兵方能站住並嚴飭弁兵疊放鎗箭
賊始奔逃甚爲勇敢出力張超遇有叅將缺出卽
行陞補用兵布特納射死帶翎頂賊匪一名亦屬
奮勇若再能出力著以應陞之缺拔補現在首逆
宋麻子業經殲斃張添倫辛聰等股賊匪自必更
加畏懼況止有二三百人或七八百人在鳳縣境
內棧道邊零星散竄勢已窮蹙額勒登保務當飭

慶成格布舍等將此股賊匪卽在棧道之西速行
剿淨不可稍留餘孽前因高二馬五戴家營等股
賊匪勢甚鴟張恒瑞台布綸布春九十馬玉魁等
在彼迎擊究難深恃諭令額勒登保帶領札克塔
爾慶成速回西鄉督剿今額勒登保摺內亦稱尚
不放心所慮甚是現在已令長齡帶領吉林黑龍
江勁兵由湖北迎剿徐萬富等不復前赴西鄉甘

省竄匪無多額勒登保當察看情形如長麟定住
楊遇春廣厚等在甘足資辦理卽責成伊等分投
剿辦伊卽酌帶札克塔爾等數人速行回陝總須
將高二馬五戴家營及冉張二逆上緊剿辦尅日
殲除斷不可令其偷越漢江向東北奔竄又逃入
南山老林以致辦理棘手爲要其愛星阿一員卽
著超陞河屯協副將餘俱著照所請行

二十七日

丁丑

明亮奏言查徐逆賊衆屢經官兵

剿敗日漸窮蹙該匪探馬由胡家集向廟灘遁

逃其賊衆大隊不敢向大道行走卽翻山由茅

坪前竄所過地方亦不焚掠探其所向大約仍

由原路盛家壩前竄

臣

由穀城過河抄擊當派

都司德克精額帶領兵勇緊追以防其折竄詎

臣

趕抵穀城查駐守之遊擊富慶知縣孫光先

俱在城內其保護關廟之百姓因賊匪臨近未
識官兵真假不許過河

臣

所帶副將樊雄楚到

後有認識之百姓始放船過渡又因船隻短少

至次早方能渡竣

臣

將富慶孫光先嚴加申飭

初九日德克精額來報該匪於昨夜已由盛家

嫌頭淺渡河兵勇趕到殺斃賊匪七十餘人生

擒陳宗保等四十六名內有川匪褚其儀等十

七名當卽正法其餘蔣安隆二十九名卽交隨
營糧員分別辦理探知賊衆大隊仍向草店老
營宮一帶西竄_臣督催馬步官兵漏夜追奔逐
日散出被擄百姓七八十人至百餘人不等卽
令該地方官等妥爲查明安插_臣鼓勵官兵倍

道前進初十日行抵丁家營探得賊匪在孫家
灣屯紮尙隔六十餘里當卽四鼓發兵馳抵該

處遙見騎馬賊匪六七百人在山梁望哨飛飭
侍衛富翰塔津保江鼎雙福等帶領馬隊進趕
該匪旋佔山梁排立抗拒並在樹林房屋內埋
伏步賊接應富翰等奮勇直撲將馬賊衝敗馳
射擊殺立斃賊匪二百餘人該匪亡命奔逃其
埋伏之步賊亦由兩旁翻山亂竄及至山頂逆
賊望見各隊步兵尙在後面遂各回身排立山

岡意欲撲壓馬隊富翰塔津保商議急攻卽帶領馬兵健壯者十餘人首先衝上山岡射死騎馬賊數人步賊十餘人後面馬隊一齊擁上賊卽大敗適副將樊雄楚等催領各隊步兵接續前來追殺三十餘里至白浪塘共斃賊匪四百餘名生擒賊探萬正朝等八十六名時已向晚未便窮追正在拏營適騎馬賊匪二百餘人直

來遶撲營盤又被昌翰塔津保江鼎雙福等帶
領馬隊飛馳分剿射死十餘人餘皆四散奔逃
富翰等見樹林稠密恐有匿賊同樊雄楚等領
馬步官兵兩路搜捕生擒鄭貴王士奉等大小
男婦三百二十三名口搶獲騾馬牛驢四百餘
頭匹刀矛旗幟無數提訊獲賊王志昌等供稱
徐添德率領馬步賊衆晝夜奔跑在楚省擄掠

人民五六千逃散殆盡四川同來矛手僅剩二
千餘人此時營中連男婦大小不過三千餘人
等語並訊出探馬頭目萬正朝等十一名當卽
一併縊割其餘馮升等七十五名俱係矛手亦
併正法其錢貴陳黃氏等二百三十一名口並
未殺人放火當卽交隨營糧員分別保釋臣當
派兵勇跟蹤探得徐逆仍由什堰花果園奔竄

黃龍灘

臣

星夜趕緊追擊查黃龍灘水深溜急

鄉勇在西岸堵截官兵從東追及趁此賊勢蹙

敗之時可以集事詎該匪一日半夜逃竄一百

七八十里卽於十二日半夜至黎明捨命淌渡

該處鄉勇因前次被賊戕害心存畏懼且夜間

不辨賊數多少未能堵住以致該匪仍由黃龍

灘向鮑家店一帶西竄

臣

於是日已刻趕至黃

龍灘馬隊繞至淺灘淌渡步兵用船隻濟渡沿途僅獲星散落後餘匪一百七人訊明陳朋等六十二名實係矛手當卽正法其餘王二等四十四名均係附近被擄民人分別省釋統計連日共斃賊匪七百三十餘名擒獲五百六十二名並據該處巡檢黃士杰稟稱賊匪淌渡淹斃百餘名本處鄉勇尾追殺死數十名生擒十二

名查賊匪大隊已由鄆縣屬之陳家莊向西奔

竄離陝自白河縣界較近臣已連次照會慶溥

溫承惠擇要迎堵以期夾擊合攻此次晝夜追

剿緊急步兵大半不能趕上適孫清元德昌叅

將吉林泰等趕緊來營合計兵勇共有三千餘

名足敷剿辦一面派叅將馬德舒副護軍叅領

麒麟保等駐紮穀城適中之地催收兵丁趕赴

大營

臣

帶領現有之兵趕緊追剿能往楚境戴

事固屬甚善倘至陝省亦必設法與慶溥溫承
惠等盡力相機追截至吉林黑龍江勁旅四百
五十名計期將抵襄陽已差候補叅將雙福千
總楊永順等前往迎催來營以冀迅掃妖氛至
打仗官兵間有傷亡容俟查明咨部奏入

上命軍機大臣傳諭明亮曰徐添德股匪經官兵節

次截剿不予以暇共殲賊七百三十餘名擒獲五
百六十二名明亮尙爲奮勉惟賊匪在盛家壩淌
渡時游擊富慶知縣孫光先俱在穀城城內並未
堵截賊匪而官兵渡河時因鄉勇不知真假不令
過河又賊匪竄至黃龍灘時該處鄉勇因前此被
賊戕害心存畏懼未能堵住任賊匪向西奔竄巡
檢黃士杰並未在彼督率攔截乃於賊匪渡河後

京稱淹斃百餘名本處鄉勇尾殺數十名尤爲無
耻此皆地方官不能防守之咎富慶孫光先黃士
杰均著革職交姜晟嚴訊速奏至侍衛富翰塔津
保江鼎雙福等帶領馬隊奮勇趕剿斃賊多名而
富翰塔津保首先衝上山岡射死騎馬賊數人步
賊十餘人及賊匪透撲營盤又經該侍衛等飛馳
奮擊俱屬可嘉已另降諭旨加恩陞擢矣至明亮

此次打仗不遺餘力本欲酌加賞賚但徐添德一
股勢已十分窮蹙明亮若能卽在楚境悉數殲擒
係伊一人之功必當逾格加恩此時且不必先行
賞賚倘不能將賊匪截回剿盡致令竄入陝境與
慶溥溫承惠協力辦竣則明亮之功已小且徐添
德一股明亮在湖北剿辦多時不能殲滅任其竄
往白河必藉慶溥溫承惠之力明亮寧不知愧懼

明亮務須加意奮勉上緊將此股餘匪截擊速擒
首逆竄盼捷音至孫清元德昌等究在何處打仗
何以經明亮劄催始行趕緊來營是否有逗遛情
事著查明具奏

上諭內閣曰侍衛雙福隨同經畧額勒登保屢著勞
績現在赴楚協剿連次打仗是屬奮勇出色著陞
授二等侍衛侍衛富翰塔津保江鼎同雙福擊殺

賊匪二百餘人富翰塔津保又首先衝上山梁射
死步騎十數人均屬奮勇富翰著陞授頭等侍衛
塔津保著陞授二等侍衛江鼎著挑爲乾清門侍
衛至明亮單開出力員弁內湖北宜昌鎮左營遊
擊全祿著賞戴花翎盛京領催部委驍騎校花連
布前鋒部委驍騎校吉勒占布甲兵八十二吉林
甲兵常貴黑龍江領催精格禮甲兵明柱明順墨

騰保襄陽鎮竹谿營把總陳天壽竹山練勇行營
守備職銜陳九思俱著賞戴藍翎以示獎勵

上又命軍機大臣傳諭姜晟曰朕因楚省地方官防
堵賊匪未能得力節經諭令姜晟督飭文武嚴防
卡隘使賊匪無從竄逸以便明亮等得以盡力剿
捕乃本日據明亮奏徐添德一股賊匪竄至穀城
至盛家壩西淺渡河又賊匪竄至黃龍灘該處鄉

勇亦未能堵住賊匪現已竄近白河地方此皆姜
晟不能嚴飭地方官認真安禦所致姜晟著傳旨
嚴行申飭至遊擊富慶知縣孫光先專駐穀城守
禦乃於賊匪逼近戒嚴尙爾安居城內且鄉勇於
賊匪先在盛家壩偷渡時並不能奮力堵截及官
兵過河時該處鄉勇因未識真假轉不令渡河在
鄉勇等過於慎重尙無不合而該遊擊知縣並未

督率兵勇出城堵禦殊屬玩悞富慶孫光先著革職交姜晟確切查明盛家壩一帶溪河是否係該二員所轄其鄉勇是否係伊等派往若該二員因在城守禦另派鄉勇出城防堵其罪尙可稍從末減若俱係該鄉勇自行團禦而富慶孫光先竟安坐城內置之不顧任聽賊匪躡淺過渡其罪更大不可不嚴行審究又據明亮奏賊匪搶渡黃龍灘

時據該處巡檢黃士杰稟稱賊匪搶渡淹斃三餘
名本處鄉勇尾追殺死數十名生擒十二名該巡
檢既在彼防守於賊匪搶渡時何以不能迎頭攔
阻至賊匪過渡後始行尾追尙復稟稱殲擒數十
人希冀邀功可謂無耻之極黃士杰亦著革職交
姜晟一併嚴審從重定擬速奏現在徐逆已十分
窮蹙姜晟務當督飭員弁加意嚴防俾明亮剋期

嚴事不令復行折回倘再有疎懈不能再爲寬貸
矣再各處鄉勇不能禦賊雖不便概行查明重懲
但此等不能得力鄉勇徒糜廩給並著姜晟查明
撤去另派勇健者實力防堵方爲有裨

同日長麟奏言查伍金柱餘匪尙有二三千人
仍在階州所屬之琵琶寺一帶老林內藏匿時
出時沒趨向無定其張添倫辛聰宋麻子顏勝

可魏棒棒及楊開甲餘黨約有三四千人合爲

一股竄赴娘娘壩高橋一帶

臣

當與額勒登保

商議熟籌甘省現在止有此二股賊匪當經額

勒登保派委楊遇春松布舍凌成專辦張添倫

等一股賊匪阿哈保穆克登布專辦伍金柱餘

黨一股並派定住廣厚在階州一帶截住賊匪

奔竄龍安夫路

臣

亦分兵一千二百名交觀祥

帶領在岱門鹽關一帶堵截賊匪奔竄汧陽之路又撥兵八百名交署副將詹文英帶領在漳縣屬之石關一帶緊防北面不令賊匪他竄旋據報稱張添倫等一股賊匪因北面有觀祥帶兵攔截旋即折竄東南適慶成迎頭進剿得有勝仗殲斃數百人賊匪卽向太陽寺奔竄復經楊遇春殲獲甚多賊匪直奔唐藏復遇慶成截

剿殺賊百餘名賊首宋麻子業經殲斃楊遇春
又於銅錢嶺一帶斬獲百數十人餘賊分股亂
竄向鳳縣一帶狂奔楊遇春慶成俱趕往抄截
至伍金柱餘匪亦經定住廣厚於初五日由仙
人峽進兵在大水溝地方殲斃賊匪一百八十
餘人生擒五十六名賊匪復由五馬河竄赴梅
子園現在阿哈保穆克登布等由梔桿嶺迎頭

截擊定住廣厚隨後緊追刻下賊勢十分窮蹙
晝夜狂奔每日奔走一百五六十里至一百七
八十里不等額勒登保因張添倫等股賊匪現
已東竄當卽由徽縣趕赴兩當縣楊家店一帶
相機剿辦並恐賊匪被剿折竄囑臣趕赴虞關
截堵臣卽於二十日帶兵前往仍隨時察看情
形如辛聰等股賊匪於數日內全行剿滅或已

通向南趨

臣

卽迅速趕回督同阿哈保等剿辦

伍金柱一股餘匪奏入

上命軍機大臣傳諭長麟曰甘省之賊祇有伍金柱
一股餘匪其楊開甲餘匪昨據額勒登保奏不過
三四百人向黑河一帶奔竄飭令總兵楊奎猷帶
兵勇八百餘名趕剿無難一鼓殲除此二股餘匪
竟責成長麟及楊遇春定住廣厚等剿辦現在甘

省兵多將廣剿此敗潰餘匪勢同拉朽摧枯長麟
若再不剋日剿除更有何顏對朕耶再張添倫等
股額勒登保旣經趕往截擊恐賊匪被剿緊急復
思折回亦未可定長麟現赴虞關駐紮尤應認真
堵截與額勒登保成兩面夾擊之勢若能悉數殲
除不令折回陝境則更爲愜望矣

欽定剿平三省邪匪方略正編卷二百一

庚申年

九月初一日

庚辰

台布奏言查楊開田餘逆及辛

宋等股賊匪經楊遇春慶成帶兵屢次追截該

匪等捨命狂奔翻山行走由蒿壩河棗木欄廟

臺子等處竄出李家店火燒店刻不停留總兵

汪啓得信恐其業已進棧親帶兵勇追趕拿獲

餘匪七十餘名盤獲難民一百餘名訊係數日

內新裏均卽釋放該匪等探知前途武關有兵
防守楊遇春等又緊躡而來仍翻山竄入九條

灣歪壩河其地可通畧陽沔縣

臣

一接稟報星

馳入棧適楊遇春慶成已分遣兵勇緊跟賊蹤

自帶官兵由留壩褒城前赴沔縣迎頭攔截

臣

亦抵沔縣面商剿辦查楊遇春等此次追賊每
日行走一百八十九里棧內道路崎嶇兵力未

免稍乏必須酌以兵勇因思與兵正欲前赴西
鄉該處已有恒瑞綸布春前往近日探報賊氛
稍遠該鎮馬玉魁自應幫同楊遇春等先將此
股餘孽掃蕩再赴恒瑞一路又勘得迤東松樹
壩有路可通黃河驛舊州舖若賊從此處竄出
轉在官兵之前是以商令馬玉魁卽在舊州舖
暫紮於岱森保處酌撥兵勇跟隨楊遇春慶成

分路密探設伏前進

臣

又恐寨堡居民見賊卽

行放鎗致賊驚走派令沔縣典史謝大名帶同

精細衙役乘夜密往各寨潛行囑咐賊至閉寨

自守毋庸助勢以誘賊蹤深入遇伏聚殲

臣

仍

駐紮沔縣城外以鎮民心現在額勒登保亦已

追賊入陝行抵廢邱關漢中平原更可無慮其

石泉西鄉各股因江岸防守嚴密向王黑壩星

子山南竄後股冉振等逆亦由堰口向東南奔
逃距兩縣俱遠現有恒瑞及總兵劉之仁分督
兩處兵勇於沿江上下巡緝不致疎虞惟楚匪
一股由鄖縣大竹坪竄入白河縣之白石河離
漢江甚近經署知縣嚴一青督率鄉勇對岸轟
擊該匪不敢近江繞出白河洵陽交界之關老
廟河一帶焚掠

臣

亦飛札副都統慶溥藩司溫

承惠就近前往堵剿自可不致逸入奏入

上命軍機大臣傳諭額勒登保台布曰楊開甲等餘
匪竄進棧道雖經官兵堵截未令闌入南山其江
岸各匪亦未令偷渡過江但台布等祇係商同分
撥官兵往來追趕並未與賊接仗一次大加剿殺
且據稱分路設伏誘賊深入以便遇伏聚殲等語
似已布置多方可操勝算而其實仍未剿殺一賊

是所奏祇屬敷衍虛詞將來又不過以賊匪他竄
未入伏中一奏塞責今年春夏秋三時任聽賊匪
往來陝甘以三四次添兵添餉總未能堵住一次
所辦何事再據奏額勒登保亦已追賊入陝行抵
廢邱關看此光景甘省賊匪似又折回陝境但是
否祇係楊開甲餘匪及辛聰一股折竄入陝抑係
張添倫顏勝可魏棒棒等股全行折回亦未據聲

敘明白此等敗竄賊匪正當迎頭截擊乘勢殲除
若似此分投追趕毫無振作卽云不令賊匪竄入
南山老林偷渡漢江豈遂聽其自斃自散耶至額
勒登保帶兵剿賊前既不能在陝速行剿淨致任
闖入甘省今在甘追剿多時復任各股賊匪折竄
回陝長此跟蹤追躡賊匪往來自如何日始能剿
盡耶朕屢念軍務日夜焦切而伊等遞到奏報輒

稱兵丁日行一百數十里似已不遺餘力豈官兵
每日行走一百八九十里而賊匪竟能飛馳至二
三百里官兵總不能趕上截殺乎現在天氣晴爽
非夏令可比正當上緊剿辦倘仍延玩一至嚴冬
又將以冰凝寒近江水消涸爲詞何日始能蕝事
額勒登保務須倍加奮勵竭力堵剿將陝境各股
竄匪全數撲滅卽萬不得已亦當逼向川省以便

與德楞泰等奮力合擊

初二日辛巳德楞泰奏言臣帶兵行抵兩河口接

據額勒登保來札以甘省賊匪被剿情急高馬
戴伍等股先後俱由畧陽竄出沔縣向南鄭西

鄉奔逃恐其仍欲入川令臣就近截剿又據通

江縣稟報通太大道沿途俱有零星賊匪或數

十人百餘人不等藏匿箐林不時搶劫夜則出

而摸樁百姓驚惶大略梗塞文報不通查

臣現

追之陳朝觀等一股賊匪祇有千餘人由通南

老山逃遁是欲誘我官兵入山疲我兵力一經

追擊勢必直入陝境反爲牽綴且高馬戴伍等

股旣入西鄉相距太平不遠若無兵攔剿又恐

蔓延而龍唐二逆亦在川陝交界游奕是太平

界內現在賊衆較多

臣

卽於兩河口取道通江

太平前進又查此路僻近老山洞寨稀少近遭瘟疫十傷四五不但不能團練集勇且成熟稻穀大半均未收割

臣

一面前進一面分遣兵勇

逐日隨同土人遍處搜剿共計殺賊二百四十

餘名陸續擒獲李大才等八十五名訊無首逆

俱係各股敗殘餘匪各處洞寨老幼男婦聞之

俱下寨前來

臣

面加慰諭令其趕緊收穫並曉

以堅壁清野之法無不歡欣稱頌大道業已寧謐十二日抵太平縣當據署知縣事知州鍾蟠雲面稟龍唐二逆前屯於西鄉界上旋有苟文明一股賊匪約二三百人張子聰一股賊匪約三四百人先後附合近已翻山竄入紫陽界內其高馬戴伍等股賊匪前後亦由西鄉向東竄去並未來川嗣又接據勒保來信以劉朝選湯

思蛟度向瑤羅半年四股賊衆合夥在東鄉二
帶屢被剿敗勢已窮蹙現向東北逃竄囑臣在

東北一帶就近截剿等語且龍唐苟張四逆已
經入陝而川省賊匪尙未肅清未便帶兵越境
追剿當卽飛札額勒亨額慶溥溫承惠等相機
截剿並咨覆額勒登保查照嗣又探得勒保七
十五所剿劉湯度羅四股賊匪於十五日由東

鄉長壩過後河翻山走太平兆堂壩有竄通江
竹峪關之勢勒保等緊躡追擊已抵羅紋壩

臣

當卽派令溫春賽冲阿等帶馬步兵勇由東北

之兆堂壩一帶前云旁抄

臣

卽帶兵由烟墩壩

官壩北面直趨竹峪關迎頭截剿勒保等已由

羅紋壩西南而來三路兵力剿此敗殘餘孽自

可立就剪除近據各州縣稟報尙有王士虎等

兩股賊匪各千餘人並有屢被剿散兩三起或
二三百人或三四百人不等雖無大股賊衆而
此等零星餘匪亦須剿捕淨盡絕其根株再與
勒保將邊防事宜妥商辦理後

臣

察看何處情

形緊要或赴陝境或向楚界卽帶兵前往幫同
協剿至首逆龍紹周係太平縣人前經該牧鍾
蟠雲令其族叔龍萬象帶同陳貴等前往招撫

日久未回昨經哨探兵勇帶回逃出同去民人
趙明方供稱親見差去之陳貴等七人被小頭
目等殺害將龍萬象等留在營裏

臣當即面諭

該牧嗣後如有賊匪遣人哀懇投順者察其情
真仍准悔罪妥爲安插斷不可遽差赴營致啟

逆衆輕視之心並札致勒保會銜通飭川東川
北州縣一體遵辦再

臣

前在南江時當溽暑屯

土弁兵觸熱患病者多卽留於南江縣之李家寨暫爲調理並可藉爲協防令守備龍必達管

帶約束此次

臣

在九龍場剿賊聞賊攻撲南江

之明垵五臺等寨時經該縣裴良駿守備龍必達等剿殺多人屯兵團勇亦有受傷陣亡之事

茲據該縣等親來木門場面稟七月初八日有陳李兩姓賊股四五百人由八廟坪來圍附近

之明堽五臺等寨裘良駿卽會同龍必達率領
屯上弁兵二百餘名招齊團勇八百餘名乘夜
潛至寨北埋伏初九日賊知有官兵卽由大地
坪奔逃裘良駿等率領兵勇追擊二十餘里殺
賊一百三四十名生擒二十四名搶獲馬騾刀
矛旗幟兵勇力追五十餘里至大屋基賊見兵
單折回衝壓穆坪土守備王應保力戰陣歿傷

集賢堂奏卷三十一
亡兵勇數十名賊卽竄向大田坪而去等語

臣

就近復加查察打仗殺賊情形無異當將實在出力之屯兵阿扣等量加獎賞奏入

上命軍機大臣傳諭德楞泰曰德楞泰自八月十二日奏報剿辦九龍場賊匪後日久未據續有奏報方以其在川打仗殺賊自必獲有大勝或因追剿緊急無暇發摺乃遲至二旬始據奏到及閱所奏

情節祇係敷衍虛詞並未與賊接仗一次剿淨一
股不知此二十日中所辦何事實不可解且據德
楞泰所奏伊本追剿陳朝觀等賊股帶兵前進乃
並不緊躡追捕又以接據額勒登保來札因高馬
戴伍等股由畧陽向南鄭西鄉奔逃恐仍欲入川
令其就近截剿卽將陳朝觀一股置之不辦任由
通江老山逃遁豈竟聽其自斃或自行解散耶德

楞泰既經截剿高馬等股賊匪由兩河口取道通
江太平前進卽應奮力截殺乃僅於沿途搜捕各
股敗殘餘匪迫行抵太平又稱高馬等股已由西
鄉向東竄去並未來川仍置不辦復以龍唐二逆
屯於西鄉界上有苟文明張子聰兩股先後附合
翻山竄入紫陽界內又云接據勒保來信劉朝選
湯思蛟度向瑤羅半年四股賊衆在東鄉屢被剿

敗向東北逃竄囑其就近截剿而如何截剿之處並不提及惟稱探得劉湯度羅四股賊匪已由東鄉竄走太平有竄通江竹峪關之勢現在帶兵前往迎截亦未見上緊剿辦其所稱龍唐苟張四逆已經入陝川匪尙未肅清未便越境追捕言若近是而其實輾轉遷延並未遇見一賊一味取巧濫奏賊匪及該處民人多有遭染瘟疫者或兵丁及

領隊得力之員間有患病德楞泰亦應據實陳奏
今既未奏及則並無此事看來竟係德楞泰等因
賊匪有乞降之說遂爾頓兵不進此乃誤會朕旨
辦理大錯現在張子聰龍紹周等逆並不肯出降
可見前此賊匪藉詞觀望不過欲緩我兵力而德
楞泰等爲其愚弄試思剿辦教匪調集如許官兵
糜餉無算而生靈遭其荼毒者更不可勝計焉有

功屆垂成之時竟思招撫此一二亂民將就完事
耶此後斷不准再有差人諭降之事即使張子聰
龍紹周等實係窮蹙乞命亦斷不允其投出必當
悉數殄除不留餘孽至各路軍營節經降旨不准
令所剿賊匪逸出本境今德楞泰於川省竄匪一
任闌入陝省已有應得之罪而本日奏摺又滿紙
虛詞毫無實際若論其如此居心卽應將德楞泰

官職斥革令其戴罪自贖姑念伊今春在嘉陵江
川西剿辦賊匪尙爲迅速稍有微勞是以不卽加
之嚴譴但德楞泰自帶兵剿辦川東川北賊匪以
來從未見認真出力與春間如出兩人實非意料
所及現據稱劉湯度羅四股德楞泰已帶兵前往
會同勒保截剿此事朕現存記着伊續到之摺能
否將劉湯度羅四股全行掃除若又藉詞延宕或

稱此四股賊匪又復他鼠則是德楞泰所奏剿辦
四股賊匪又成虛語其種種欺誑獲罪甚重朕必
立將伊革職治罪不能再待矣德楞泰著先傳旨
嚴行申飭再苟文明一股前據姜晟倭什布等奏
有竄至湖北房縣之信今德楞泰摺內又稱苟文
明現與龍唐二逆在西鄉合夥究竟以何言爲准
其前竄湖北之賊究係何股並著查明具奏至所

稱察看何路緊要或赴陝境或向楚界帶兵前往
剿辦之語亦聽伊所爲總之德楞泰離川後若川
境尙有賊匪潛匿僅交勒保一人或又如春間肆
竄必將德楞泰從重治罪慎之所有打仗陣亡之
土守備王應保著咨部賜卹

初六日

乙酉

額勒登保奏言查前此逆首宋麻子

就殲後所餘之張添倫辛聰顏勝可魏棒棒及

楊開甲餘匪被剿情急捨命奔逃

臣

恐其復出

棧東遁入南山當卽一面飭令楊遇春慶成等

竭力趕剿并令防堵之德忠汪啟等亦卽帶兵

截擊其南山內之江口一處尤爲要隘並卽派

令兵勇預爲扼堵

臣

一面卽由楊家店趕赴棧

中以爲各路策應此一帶道路本屬叢雜該匪

等隨處躲避官兵總由老林深密之處穿越爾

由棗林欄廟臺子火燒店等處潛竄楊遇春慶
成等將兵分路追剿斬獲約有二百餘人德忠
汪啟隨時偵探賊蹤亦卽抽帶兵勇前赴離卡
百餘里及八九十里之大壩溝九條梁李家灣
等處截殺并搜獲之賊共一百八十餘名其敗
竄各股賊匪晝夜狂奔從九條梁逃入歪壩河
老林翻至黑河兵勇緊跟追擊於二十三日合

竄至茶子店等處維時慶成楊遇春帶領馬隊
先繞至沔縣迎截慶成旋又帶兵赴黃壩河阜
川以防賊匪東奔漢江南岸之路楊遇春卽由
白巖河一帶追殺賊匪果徑趨江岸探知官兵
卽折奔胡家壩慶成得信遂率兵趕擊適楊遇
春亦將抵胡家壩兩路截殺共斃賊一百六十
餘名是日楊奎猷追剿小股之賊至蔡壩適遇

九十帶兵至彼兩相夾擊殺賊四十餘名生擒
十一名餘賊奔歸大股各路官兵會合時已昏
暮又兼雨大泥滑不能再進滿擬次日五鼓發
兵併力合剿乃賊匪疊被剿殺黑夜四竄楊遇
春等分路搜捕只斃賊八九十名

臣

於二十五

日晚趕至新集偵探賊匪千餘人已竄出黃官
嶺一帶而我兵七八日以來刻不停留鍋帳等

均未得到勢不得不畧爲整集楊遇春慶成節
次打仗於梁山溝地方有頭目苟璜帶領四十
二人投出又在茶子店地方有小頭目劉步雲
帶領六十三人投出又胡家壩地方有旗手劉
彪帶領七十九人投出均係臨陣哀懇臣先經
屢出告示開導如有真心投出之人必當推廣
皇仁不惟宥其死罪而且妥爲安插俾得仍爲良民

但從前屢次打仗時亦令該將領等傳布

恩旨令其及早投出而疑懼固結實未經投過一人

茲乃三次臨陣棄械投出一百八十餘名明係

自知窮蹙已甚冀求生路然賊情狡詐其中亦

有借此緩兵及窺探消息以爲內應等計

臣

先

經飭知楊遇春等臨時不可不詳察虛實茲疊

據楊遇春等具報隨時查詢投出者實出真心

並此內有王宏儒等當經飭令隨兵追賊眼見
其戮斃賊匪數人可無疑義其中川省人居多
並有欲在軍營出力之苟瑱劉彪等聲稱願帶
領數十人以爲前驅楊過春擇其人畧明白可
作眼目之劉步雲等八十餘名留營跟同苟瑱
等効力其餘均交台布分別遞籍安插臣今又
將劉之協解京處治原委遵

旨刊刻告示明白曉諭該匪等知畏知感當更聞風
解散仍嚴飭各領兵大員及將領等不得因此
稍事遷緩再據苟璜等供稱張添倫前本與辛
聰等合爲一處後節經官兵打潰張添倫已去
冉學勝夥內且言王廷詔衆人俱稱爲師傅並
不管事亦在冉學勝股內而現在各股賊匪係
辛聰顏勝可魏梓樺三人爲首又楊開甲被官

兵殺死後尙有其弟楊開第楊開辛兩人亦爲
元帥所以仍稱楊家營等語其言亦未必甚確
容_臣隨時再加察訪至伍金柱餘孽原派有阿

哈保穆克登布等帶兵在彼剿辦並令定住廣

厚專堵階文往龍安之路相機截擊_臣又因相

距較遠會札致長麟將該處一切情形具奏二

十五日適接阿哈保穆克登布來信賊由五馬

河竄至梅子園元壩子十九日穆克登布帶領
兵勇敢道化子埡進兵阿哈保桑吉斯塔爾帶
領馬兵由馮家河陽壩抄截兩路殺賊一百二
十餘名生擒三十餘名該匪又翻箐林逃遁有
出賀家河之勢因伍逆已死又以伍金柱之姪
伍懷志爲帥帶領四竄現在極力趕剿等語長
麟如接有此信自當詳晰具奏又

臣前聞四合

頭一帶尚有打散餘匪二三百人曾派總兵觀
祥在彼搜緝茲據署兩當令誠忠稟報觀祥在
三岔屬之磨盤溝王家溝殺賊甚多看來餘賊
有限

臣

伏思數日以來節次殺賊并疊斃逆首

且辛聰等欲急奔南山又未得闌入事機尙順
惟甘省現在尙有賊匪而陝之西鄉一帶既有
前竄之賊目下殘敗之衆又復竄去頗爲牽綴

甘省伍金柱餘匪

臣

雖經札飭阿哈保穆克

登布等務須就地殲淨卽或不能必須逼至陽

平關虞關等處使入陝之汚畧境內以便一併

剿洗而賊蹤難定甘省一日未得淨盡

臣

若深

入西鄉究不放心是以帶領札克塔爾慶成暫

行駐紮漢南之新集一帶以便隨時策應并搜

捕餘孽恐恒瑞綸布著在西鄉地方因賊股較

多不能痛剿卽派九十帶原兵千餘趕往協剿
又令楊遇春同格布舍馬玉魁帶兵緊追辛聰
等賊匪由紅廟堂私渡河前進與恒瑞等聲勢
聯絡合力剿辦又派副將游棟雲帶兵勇千餘
名轉赴唐藏一帶以備迎截甘省竄出之賊况
長麟亦深知南山爲重自斷不肯使賊仍竄棧
東倘此旬日之內甘境之賊全行掃蕩臣另當

籌畫妥善卽赴西鄉督剿可楚匪據報有在洵

陽陝楚交界之地奔竄者臣早已飭知慶溥等

加意防堵又遵查岱森保病勢雖已漸退而面

目消瘦迥不如前且每日祇飲米湯數次斷難

帶兵臣囑令前往漢中安心調養俟稍痊後再

令緩程進京又查大小金川屯練官兵除節經

傷病隨時遣回外現隨臣營尙有郎卡耳結等

共二百零二員各該官兵等隨征日久疲乏患
病者已有九十名臣酌加賞資令原管之綠營
把總外委等妥行照料一併由漢中府送至四
川成都令其均歸原處

同日明亮奏言臣於本月十五日行抵姚家灣

接到姜晟倭什布八月初二三日咨係調孫清
元一路官兵往房縣堵禦是日適孫清元等趕

到與

臣

合營面告已於途次接到倭什布來札

毋庸該鎮前往房縣仍令同

臣

一路追剿徐逆

等情

臣

隨飛札詢問姜晟倭什布將現在川匪

竄入情形是否需兵之處詳晰札覆至本月二

十三日在竹谿途次接到各處滯留公文七十

餘件始見姜晟倭什布飛咨以及房縣知縣李

維本等具報川匪竄入情形始知倭什布奏明

帶兵往房縣堵剿查各處發來咨稟日期有遲
至月餘二十日十餘日不等軍情緊要隨到隨
辦似此遲延貽悞匪淺實深駭異已飛咨姜晟
倭什布查明何處遲悞嚴加懲創外至

臣

追剿

徐添德一股賊匪其始該逆夥黨原有萬餘自

三省勁旅到楚後經

臣

帶領痛剿數次屢獲活

賊供稱賊衆連馬探矛手以及大小男婦僅剩

二千餘人披靡已極不料該逆等自竄渡黃龍灘之後晝夜狂奔已入陝省白河洵陽縣境

臣

恐該匪懼陝省官兵迎頭截擊乘隙由二竹旁

竄入川因與孫清元等抄至竹谿縣屬之北义

河該處係陝楚毗連若慶溥溫承惠等兵到卽

可夾擊集事

臣

前已飛咨相機迎截適接慶溥

來札已趕至董家梁堵截溫承惠在紫陽堵禦

未能前來查徐逆殘敗餘匪已竄至仁河口若
趕至白土關董家梁能與慶溥夾擊固屬甚善
若已深入陝境臣亦應緊躡追剿以期撲滅但
以目前地方輕重事之緩急而論則楚重於陝
故不得不通盤籌畫據實入

告查川省竄匪入楚情形現據叅將蔣觀濤稟報川
匪龍紹周唐大信二逆已竄至房縣之上龕據

南漳縣楊子果稟報准房縣札開川匪苟逆二
股由巫山陰條嶺竄入房縣之九道梁舉人坪
灣腰樹一帶並據房縣李維本稟報訊據麻灣
被擄逃出汛兵供稱賊首係冉徐張王四姓不
知其名男婦約有萬餘人並不屯聚一處或一
二百人一隊或三四百人一隊不等自松香坪
袁杜坪至博羅坪一帶數十里俱有賊匪業暨

破山埡應子灣二寨攻破等語復據保康縣楊
開鏡稟稱川匪已竄至該縣所屬之壽陽坪馬
橋口滋擾復接總兵李紹祖七月二十七日報
稱奉德楞泰勒保照會派令帶兵三千名馳赴
房縣截擊本日自開縣起程現抵何處尙未報
到_臣接到倭什布來札因苟逆分股肆竄勢甚
猖獗帶兵前往房縣相機堵剿所帶兵力甚單

現在臣與孫清元兩路會合在營兵丁二千餘

名鄉勇千餘忽散忽聚實不足恃正當追剿喫
緊之際未便撥往是以飛札前派在穀城收集
各營落後官兵之廣東叅將馬德舒挑選兩粵
得力之兵一千名就近先行馳赴倭什布處聽
候調用又派遊擊拉哩由二竹先赴倭什布行
營聽調一面補派總兵德昌至穀城收齊各營

官兵趕起來營查倭什布自帶兵不足一千名
馬隊二百名合之臣派往兩粵新兵一千名調

往竹谿鄉勇一千名共兵勇三千餘名雖可禦
敵然尙不放心倭什布帶兵本非所長且帶兵
之員亦少久歷戎行之人至於馬隊原屬勇往
若非知賊情形明曉地勢之人帶領亦恐無益
且楚省地勢平衍樹林稠密賊匪易於竄匿而

楚省百姓容易驚慌善造流言若再令賊匪在
境內游奕恐散出被擄人民難安反側查川陝
覓食維艱兩處賊匪恐俱欲竄入楚省且漢江
綿長千里秋深水涸亦不可不慮及由棧偷渡
雖現有豫省臬司完顏岱嚴密防範恐力有不
及稍致疎虞使完善之區復令賊匪竄入是楚
境若不迅速廓清於剿辦全局大有妨礙查

臣

與孫清元兩路官兵本有五千餘名落後病兵
皆在其內若臣追趕青號入陝孫清元勢不能

同往兵分兩路彼此見單於剿辦實無裨益况

自川入楚之賊若無大員統剿恐不得力以臣

愚見設徐逆深入陝境臣就近告知慶溥緊躡

或逼入川或仍趕回楚省自易剿辦一面飛咨

額勒登保札飭慶溥溫承惠實力剿辦臣卽擬

帶兵由竹谿竹山至房縣幫同倭什布一路剿
辦由川竄來之賊若果賊衆鴟張自應速加痛
剿設該匪等人數無多即可立刻掃除楚省一
靖臣卽酌帶得勝之兵或陝或川聽候額勒登
保德楞泰調度協剿均奏入

上命軍機大臣傳諭額勒登保曰張添倫辛聰顏勝
可魏捧捧及楊開甲餘黨被剿緊急捨命奔逃額

勒登保恐其竄出棧東遁入南山飭令楊遇春廉
成德忠汪啓等竭力趕剿扼要堵截俱有斬獲現
在額勒登保帶領札克塔爾慶成駐紮褒城之新
集地方相機策應所辦俱合機宜至甘省伍金柱
餘孽已責成長麟督同定住阿哈保穆克登布廣
厚等在彼足資剿辦此時額勒登保竟不必兼顧
甘省況據額勒登保摺內稱陝境西鄉一帶現有

前竄之賊目下殘敗之衆又復竄去頗爲牽綴本
日又據明亮奏徐添德一股竄入白河洵陽一帶
又前據德楞泰奏高二馬五戴家營一股賊匪已
入西鄉川省龍唐二逆及苟文明張子聰等竄入
陝省紫陽界內是各股賊匪俱闖入陝境而西鄉
尤爲扼要額勒登保務當卽赴西鄉督率剿辦將
各股賊匪在陝境剿盡不可令賊竄過棧東亦不

可令其偷越漢江向陝西東北奔竄必不得已寧
逼令入川以便併力合剿亦勿逼入鄖陽至川楚
陝三省竄匪本責成額勒登保德楞泰明亮三人
分辦乃德楞泰近日大非前比奏報多係敷衍虛
詞意在招撫中賊緩兵之計而明亮更負委任本
日奏到之摺因徐添德已逃往陝境僅委之慶清
溫承惠伊轉藉稱欲赴房縣幫同倭什布剿辦由

川竄來之賊蒼滑已極明亮在楚帶領多兵剿辦
徐添德一股無多賊匪延緩日久終任其逃入陝
境委之他人是春夏以來該省兵力餉項均屬虛
糜看來德楞泰明亮二人俱不足恃而朕所恃者
惟額勒登保一人此時各股賊匪總在川楚陝三
省邊界爲逋逃之藪額勒登保身任經畧受朕厚
恩務當先將陝境竄匪迅速殲淨其餘添德一股

已降旨令長齡帶領勁兵前往幫同慶溥上緊剿辦至現在湖北房縣一帶據明亮奏有龍紹周唐大信苟文明等股賊匪竄入又有冉徐張王等賊亦在楚境游奕湖北軍務甚爲着重明亮旣不可靠亦斷非倭什布所能辦理惟望額勒登保辦盡陝賊前往湖北朕方可放心若陝境各股竄匪正資額勒登保剿辦實在不能分身前往當派令慶

成酌帶兵力速赴湖北幫同明亮倭什布剿辦然
總不若額勒登保親往之爲愈也又摺內稱據楊
遇春等具報查詢投出之賊實屬真心并有王宏
儒等卽經飭令隨兵追賊眼見其戮斃賊匪數人
可無疑義等語此則未可深信賊營中裹脅難民
甚多安知非賊匪詭計將難民故意戮斃以示真
心投誠若領兵之人信以爲實令其在營効力以

致賊匪得以探聽官兵虛實轉爲肘腋之患否則
在營乘間或有放火等事亦是惑亂軍心此等投
出之賊多半爲緩兵之計現在川省德楞泰等因
賊匪有乞降之說頓兵不進賊匪旋即奔竄即受
此病額勒登保當分飭帶兵各員務當留心慎重
不可爲賊所愚以致剿辦稽延再德楞泰前摺所
稱高二馬五戴家營竄入西鄉龍唐等逆竄入紫

陽何以額勒登保摺內未經提及豈陝省地方官
未經稟報經署耶著額勒登保查明具奏至明亮
以宿將自居總不出力今復縱令徐添德竄陝伊
以剿辦川省竄匪爲詞明係有心趨避本應將伊
革職拏問祇因一時乏人更換暫爲姑容額勒登
保到楚後務須密爲查訪如明亮實有避賊玩愒
情節卽傳旨將明亮革職並問按律定罪具奏如

額勒登保一時未能赴楚派令慶成前往卽密告
慶成確查具奏

上又命軍機大臣傳諭明亮曰明亮自帶兵剿辦教
匪以來總未肯認真出力一味觀望遷延有心取
巧早應將伊明正典刑以肅軍紀惟念伊曾受

皇考厚恩於帶兵一事尙爲熟悉是以仍復加恩棄瑕
錄用並將徐添德一股賊匪交伊專辦此卽係予

以立功自贖之路並屢次批諭訓勉諭以如能將
徐逆一股在楚剿盡將來仍加恩賞還伊原襲伯
爵原期伊激發天良改過自効乃伊剿辦徐添德
一股總未設法截擊痛加殲戮夏間惟以雨水暑
熱爲詞頓兵一月有餘任賊奔竄以致賊匪由荆
宜南漳穀城一帶來往自如因循至今尙未辦竣
而本日摺內稱徐逆敗殘餘匪自竄渡黃龍灘之

後晝夜狂奔已入陝省白河洶陽縣界現已咨會
慶溥相機截擊如能夾擊集事固屬甚善若已深
入陝境伊亦應緊躡追剿但以目前地方輕重事
之緩急而論則楚重於陝等語朕閱摺至此已知
明亮之意欲將徐逆一股付之慶溥及閔至摺尾
則稱設徐逆深入陝境卽就近告知慶溥緊躡或
逼入川或仍趕回楚省明亮卽擬帶兵由竹谿竹

山至房縣幫同倭什布一路剿辦由川竄來之賊
是其連篇累牘巧語浮言注意實在於此不過欲
將徐逆一股諉之慶溥自圖卸責果不出朕之所
料實屬蒼滑之極明亮係專辦此股賊匪之人今
縱賊竄入陝境並不親往截剿又未派員前往夾
擊竟似與伊無涉其獲罪甚重而摺內稱川匪龍
紹周唐大信二逆已竄至房縣之上龔苟逆一股

由巫山陰條嶺竄入房縣之九道梁一帶並稱冉
徐張王四姓不知其名男婦約有萬餘人自松香
坪至博羅坪一帶數十里俱有賊匪其所奏賊股
姓名與德楞泰昨日奏到情形迥不相符或係地
方官探聽不確均未可定明亮不過藉此以掩飾
其縱逸徐添德之罪又欲鋪張賊勢爲將來卸過
地步此等伎倆竟敢於朕前屢爲嘗試耶卽如龍

唐二逆前於本月初二日據德楞奏報在西鄉
界內屯匿旋有苟文明一股賊匪約二三百人張
子聰一股賊匪約三四百人先後附合等語是龍
紹周唐大信苟文明張子聰等股賊匪近日甫據
德楞奏報尙在西鄉界上何以遽能竄入楚境
其說已不足憑信明亮之意以此數股賊匪爲重
豈徐添德非緊要賊股乎又摺內稱飛札叅將馬

德舒在穀城收集各營落後官兵挑選兩粵得力
兵一千名就近馳赴倭什布處聽候調用並補派
總兵德昌至穀城收齊各營官兵等語各省派認
官兵原爲剿賊喫緊之用何致各營皆有落後之
兵若云明亮追賊行走甚速官兵不能趕上伊卽
應追及賊匪何以又任徐逆竄至陝境是其帶兵
全無紀律已可概見乃明亮尙稱倭什布帶兵非

其所長其意居然以宿將自居試思明亮之長於帶兵者安在且稱設該匪無多立可掃除尤屬無恥若以明亮奏報而論居心巧詐又應革職拏問從重治罪姑念伊究係曾經行陣之人今伊既稱權度事之輕重楚省之急較重於陝伊自願帶兵與倭什布會合剿辦卽姑如所請准其前往所有由川竄楚之賊卽專交明亮剿辦看伊如何奮勉

自贖現在已屆秋深風高氣肅更無雨水連綿溪
河漲發之事可以藉口明亮如能知感知懼將此
股闌入楚境之賊趕緊剿滅淨盡尚可稍贖前愆
倘仍前觀望遲徊不能上緊截擊致此股賊匪或
又深入楚境蔓延滋擾則是明亮有心貽誤罪無
可逭凜之慎之明亮著先傳旨嚴行申飭且俟伊
如何剿辦川省竄匪再行降旨

上又命軍機大臣傳諭姜晟倭什布曰楚省剿辦徐
添德一股賊匪屢經降旨令姜晟督率地方官團
集義勇擇要設卡嚴密防守以便大兵追剿賊匪
到彼即可迎頭攔截以成夾擊之勢訓諭不啻至
再至三乃賊匪在荆宜南漳穀城一帶任意奔竄
往來自如從未見該省有團勇堵剿之事今賊匪
復由黃龍灘竄往陝境固由明亮遷延縱玩所致

而姜晟等未能嚴督所屬設卡防堵實難辭咎至
軍營來往公文皆關緊急軍情難容刻緩今據明
亮所奏積壓公文有七十餘件之多遲延日期至
月餘二十餘日之久殊堪駭異可見地方官全不
以軍務爲重實屬藐玩已極而督撫之毫無覺察
竟同木偶卽此已可概見姜晟倭什布均著傳旨
嚴行申飭並著將此次壓擱公文係何州縣因何

留滯多日不行馳遞徹底查明據實嚴叅辦理

上又命軍機大臣傳諭長齡曰徐添德係著名首逆
日久稽誅茲復竄入陝境不可不迅速殲除長齡
竟當帶領勁兵幫同慶薄上緊夾剿徐添德一股
若能奮力夾擊將徐添德一股悉行殲除並截住
陝省之賊勿令入楚卽長齡慶薄之功朕必優
加懋賞其餘添德一犯亦非必欲生致卽果能生

擒亦不必解京辦理倘臨陣殲斃必須查驗明確方可信以爲實長齡若僅將徐添德殲擒而餘匪未淨仍任四散奔竄卽不得謂之有功矣至陝楚交界地方究竟有幾股賊匪在彼長齡經過處所見聞自確並著查明具奏

同日長麟奏言

臣

於八月二十一日趕至虞關

晝夜嚴防並多差遠探偵察二十三日據報辛

聰等股賊匪已由留壩廟臺子竄入褒城縣屬之紅岩溝涼垭子大柳樹一帶係西奔沔陽黑河之路額勒登保率領楊遇春慶成緊躡追剿賊匪已在虞關之南不致折回甘境等因查賊匪既已南竄臣自應移兵趕赴階州與阿哈保穆克登布等會剿伍金柱餘黨以期先行肅清甘境二十三日接額勒登保來信稱有小股賊

匪四五百人出唐藏太渠折回甘境因總兵觀
祥帶領臣營馬步兵勇一千二百名追賊現至

鳳縣額勒登保卽派委觀祥就近剿辦查唐藏

太渠相距虞關三百餘里臣恐觀祥由鳳縣折

回唐藏太渠一帶追剿是在賊匪東面該匪若

直向北趨卽可徑達秦隴若折竄西南卽可復

入階州與伍金柱餘匪合夥臣自應兩路兼顧

當於二十四日折回徽縣由茹椒壩栗子園一帶自西北兜截途次接據觀祥報稱賊匪先於二十二日竄至唐藏太渠迤西之磨扇溝老林內藏匿觀祥卽於二十二日五鼓發兵辰刻趕至磨扇溝賊匪一見官兵卽翻山越嶺四散逃避官兵趕至周家堖殺斃賊匪二十餘名賊匪遁入老林向胡店溝奔竄觀祥現在緊跟追剿

又據探報伍金柱餘黨於十三日竄至階州所屬之梅子園一帶屯聚十四日穆克登布由化子埡進兵直搗賊巢阿哈保桑吉斯塔爾由馮家山陽壩抄截兩路並進穆克登布帶兵甫越化子埡山梁正值賊匪起竄當卽督兵下壓沿途斬賊數人搶獲騾馬數十匹追至圓壩子賊匪情急奔向對面大山穆克登布亦卽緊追直

上又殺賊四五十人生擒十五名因山陡雨大
未能搶上阿哈保桑吉斯塔爾亦由陽壩抄來
沿途各有斬獲賊匪復向老林翻山竄至太平
川穆克登布阿哈保桑吉斯塔爾等現在追剿
各等情近日穆克登布等會否接仗

臣

因現由

虞關折回距階州將及千里尙未得信又據廣
厚報稱該司與提督定住因奉經畧札派攔截

賊匪竄往龍安去路現在四山壩五馬河何家
河一帶相機堵禦又據階州報稱有賊匪一股
由禮縣屬之雷家壩竄至黑石溝屯紮十六日
早賊探已入該州之柳林里賈家硬坡等語

臣

查觀祥所追之小股賊匪現在奔竄處所係在
黃牛舖唐藏太渠一帶左近觀祥既與賊匪接
仗自必跟追且賊匪不過四五百人觀祥現帶

兵勇一千二百名卽或賊匪折回甘境實亦足
敷剿辦其伍金柱餘匪既有阿哈保穆克登布
桑吉斯塔爾帶兵剿捕又有定住廣厚在要隘
堵截自亦無難迅期得手惟階州稟報由禮縣
雷家壩竄入該州之一股賊匪未據聲明人數
多寡亦未知係從何來如果實有此股賊匪何
以未據禮縣具報或係從前大兵剿捕緊急之

時賊匪分股亂竄在於雷家壩一帶深山老林

內藏匿今見大兵遠去復出滋擾亦未可定

臣

自應兼程趕往確切查探如該州所報屬實

臣

卽將此股賊匪迅速剿辦如該州所報不確

臣

一面將該州叅辦一面趕赴阿哈保穆克登布

一路會剿伍金柱餘黨奏入

上命軍機大臣傳諭長麟曰現在辛聰等匪竄入褒

城一帶額勒登保業已率領楊遇春等趕赴陝境
緊躡追剿所有甘省伍金柱餘黨卽專交長麟會
同阿哈保穆克登布桑吉斯塔爾定住廣厚等認
真剿辦其馳報軍營奏摺著長麟列名在前並著
傳知阿哈保等如有打仗得勝情形俱隨時咨報
長麟轉奏至伍金柱餘黨實屬敗殘匪逆今長麟
等帶領多兵專辦此股餘匪務於甘境上緊兜截

不得以擒拏一二賊目卽爲了事總須將賊匪悉
數殲擒毋使一名漏網方屬長麟等之功倘稍有
疎虞又任伍金柱餘匪或南竄龍安或東竄陝省
則長麟等卽不能辭罪也統俟甘省餘匪辦竣後
長麟再赴陝西幫同額勒登保協剿辛聰等股賊
匪此時勿得顧此遺彼又據奏階州報稱有賊匪
一股由禮縣竄入該州長麟相隔較遠擬卽兼程

趕往查探等語地方官稟報賊情帶兵大員必須
探聽確實統兵前往方於剿辦有益若輕聽州縣
稟報不察虛實率爾趕赴該處旣疲兵力於事無
濟而於現在所剿之賊轉多疎縱長難未免失之
冒昧矣